



Broj: T18 0 KT 0018345 25
Brčko, 25.03.2025. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

M. A. ... rođen ...1991. godine u Brčkom,

Što je:

1. Dana 10.02.2025. godine oko 14,10 sati u Brčkom, s ciljem pribavljanja protivpravne imovinske koristi, svjestan da oduzima tuđu stvar, što je i htio, dok se vozio u taksi vozilu marke „Dacia“, registarskih oznaka ..., vlasništvo firme „EuroTaxi“, iskoristio nepažnju vozača B. B. i oduzeo njegov mobilni telefon marke „Xioami Redmi“, tirkizne boje, IMEI brojeva 869731076646603/01 i 869731076646611/01, u kojem se nalazila kartica pretplatničkog broja 066... i koji telefon se nalazio ispred njega na tabli vozila, čime je za sebe pribavio protivpravnu imovinsku korist u iznosu od 200,00 KM, a za koji iznos je oštetio vlasnika telefona B.B.,

dakle, oduzeo tuđu pokretnu stvar male vrijednosti s ciljem da njenim prisvajanjem pribavi sebi protivpravnu imovinsku korist takve vrijednosti,

2. Dana 03/04.02.2025. godine, u ulici ... na broju 17, Brčko distrikt BiH, s ciljem pribavljanja protivpravne imovinske koristi, svjestan da oduzima tuđe pokretne stvari, došao do firme za pločasti namještaj „...“, vlasništvo D.B., gdje je upotrebom fizičke snage i podesnog predmeta, na bočnoj strani objekta razbio staklo na prozoru, potom ga otvorio, te na taj način ušao u unutrašnjost firme, gdje je pronašao i oduzeo 12 aku baterija marke „Makita“ od 14,4 Volti- 3 Ah do 18 Volti- 6 Ah, od čega dvije po 5Ah, akumulatorsku basilicu tip DDF 482 serijskog broja 1110584R sa pripadajućom baterijom marke „Makita“, udarnu akumulatorsku basilicu tip DTD 156 serijskog broja 0526359Y sa pripadajućom baterijom marke „Makita“, punjač za baterije marke „Makita“ tip DC18RAT serijskog broja 1222509, pneumatski pištolj crno crvene boje, udarnu basilicu marke „Hilti TE1“ serijskog broja 85-182156 sa koferom crvene boje, frezer marke „Makita“ tip RP 1803F serijskog broja 2905E sa graničnikom, frezer marke „Makita“ tip RT 0702C serijskog broja 122442R, akumulatorsku potapajuću pilu marke „Makita“ tip DSP 600, serijskog broja 179281G bez pripadajućih baterija, akumulatorski udarni odvijač marke „Makita“ tip DTD 152 serijskog broja 976686R sa pripadajućom baterijom i akumulatorsku bušilicu marke „Makita“ tip DDF 484 serijskog broja 0836437 sa pripadajućom baterijom, ukupne vrijednosti oko 5.000,00 KM, a zatim dio oduzetih predmeta prodao F.F. i V.V. za ukupan iznos od 450,00

KM, čime je za sebe pribavio protivpravnu imovinsu korist u iznosu od 450,00 KM, a vlasnika oštetio za iznos od oko 5.000,00 KM,

dakle, obijanjem došao do tuđih pokretnih stvari u zatvorenoj prostoriji i oduzeo ih drugome s ciljem da njihovim prisvajanjem pribavi sebi protivpravnu imovinsku korist,

čime je, pod tačkom 1. učinio krivično djelo – Krađa – iz člana 280 stav (2) Krivičnog zakona Brčko distrikta BiH, a pod tačkom 2. krivično djelo –Teška krađa– iz člana 281 stav (1) tačka 1) Krivičnog zakona Brčko distrikta BiH.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
